

IQRA'

Bil. 4/2022
APRIL

eISBN : 2735-1920



**Majlis Sanjungan Budi Ketua Pustakawan
Ts. Noor Hidayat bin Adnan**
PTAR Shah Alam - muka 4




**Program Khidmat Masyarakat: Kongsy
Rezeki Bubur Lambuk & Pek Ramadan**
PTAR Jasin - muka 14



**Live@PTAR: Tazkirah Ramadan -
Keutamaan 10 malam Terakhir Ramadhan**
PTAR Kuala Terengganu - muka 17



Jom Baca Bersama 10 Minit@PTDI
PTAR Segamat - muka 30



Quran Hour@PST
PST Shah Alam - muka 38

PROMOSI@PTAR



Disediakan oleh: Asmah Sabtu



Happy Learning@PTAR bertarikh 12 April 2022 (Selasa) jam 10:00 pagi telah membawakan alat muzik gambus dekat di hati pengguna perpustakaan.

Pensyarah Kolej Pengajian Konservatori Muzik, UiTM, Encik Abdullah Mohd Redza atau lebih dikenali sebagai Dollah Gambus bersama para pelajar semester 4, program CAMU110 Diploma Muzik telah mengalunkan irama alat muzik gambus sehingga para penonton seramai hampir 30 orang tidak berganjak mendengarnya.

Encik Jamalludin bin Sulaiman, Ketua Jabatan Perkhidmatan Perpustakaan turut meluangkan masa menyaksikan persembahan alat muzik gambus ini.

Persembahan alat muzik gambus bermula dengan penerangan alat muzik gambus oleh Dollah Gambus. Persembahan diteruskan dengan petikan gambus kumpulan pelajar seramai tujuh orang. Kumpulan pelajar ini telah mengalunkan irama gambus lagu-lagu popular seperti lagu Kopi Dangdut-lagu asal Venezuela, lagu Uskudura Gider Iken-lagu rakyat Turki dan Joget Pahang-lagu tradisional Melayu.

Irama muzik gambus turut sering dimainkan dengan irama lagu zapin, ghazal dan melayu asli seperti lagu Zapin Datuk Temenggong dan lagu Seri Mersing. Kebanyakan irama seni muzik Johor mempunyai gambus sebagai alat muzik utama.

Para penonton turut berpeluang mempelajari cara memainkan alat muzik gambus berbantuan para pelajar diploma Kolej Pengajian Konservatori Muzik, UiTM.

Di akhir persembahan, saudara Fairuz 'Afiq bin Faizul menerima cenderamata PTAR sebagai pemain gambus terbaik pagi itu. Penyerahan cenderamata ini ialah sebagai tanda penghargaan program Happy Learning@PTAR dan telah disampaikan oleh Dr. Adlina Abdullah, selaku penyelar program.

